

# সামুদ্রিক মৎস্য গবেষণা জোরদারকরণ ও অবকাঠামো উন্নয়ন প্রকল্প



বাংলাদেশ মৎস্য গবেষণা ইনস্টিটিউট

সামুদ্রিক মৎস্য ও প্রযুক্তি কেন্দ্র, কক্সবাজার-৪৭০০

সামুদ্রিক মৎস্য গবেষণা জোরদারকরণ ও অবকাঠামো উন্নয়ন প্রকল্পের প্রকল্প বাস্তবায়ন কমিটি (PIC) এর ৯ নম্বর সভার কার্য বিবরণী।

সামুদ্রিক মৎস্য গবেষণা জোরদারকরণ ও অবকাঠামো উন্নয়ন প্রকল্পের “প্রকল্প বাস্তবায়ন কমিটি” (PIC) এর সভা বিগত ২৭-১২-২০২১ ইং তারিখে ১২:০০ ঘটিকায় ইনস্টিটিউটের মহাপরিচালক এর সভাপতিত্বে জুম প্লাটফর্মের মাধ্যমে অনলাইনে অনুষ্ঠিত।

০২। উপস্থাপনা ও আলোচনা

সভাপতি সকলকে সু-স্বাগত জানিয়ে সভার কার্যক্রম শুরু করেন। অতঃপর তিনি কমিটির সদস্য-সচিব তথা প্রকল্প পরিচালককে সভা শুরু করার আহ্বান জানান। সভাপতির অনুমোদনক্রমে প্রকল্প পরিচালক প্রকল্পের অগ্রগতি সম্পর্কে বিস্তারিত তুলে ধরেন। প্রকল্প পরিচালক জানান যে চলতি ২০২১-২২ অর্থ বছরের আরএডিপি তে আলোচ্য প্রকল্পে ১২০০.০০ (রাজস্ব, ২৯০.০০+ মূলধন, ৯১০.০০) লক্ষ টাকা বরাদ্দ আছে। ২০২০-২১ অর্থ বছরের জুন পর্যন্ত প্রকল্পের ক্রমপূঞ্জিত আর্থিক অগ্রগতি ২৬৩৭.০৭ লক্ষ টাকা মোট বরাদ্দের ৪৯.০৯ ভাগ। এছাড়া তিনি আরো জানান যে, প্রকল্পটির আওতায় ২০২১-২২ অর্থ বছরে মোট ৫ টি পূর্তকাজ যেমন-গবেষণা ও প্রশাসনিক ভবন (৬০% সম্পন্ন) কর্মকর্তাদের আবাসিক ভবন নির্মাণ (৬০% সম্পন্ন), সামুদ্রিক মাছের প্রজনন সংক্রান্ত গবেষণার জন্য আধুনিক মৎস্য হ্যাচারী নির্মাণ (৫০% সম্পন্ন), সামুদ্রিক কেন্দ্রস্থ পুকুরের আরসিসি রিটেইনিং ওয়াল নির্মাণ ও তলদেশে মাটি ভরাট (৬০% সম্পন্ন) এবং সমুদ্রের পানির জলাধার নির্মাণ (৯৫% সম্পন্ন) চলমান রয়েছে।

২.২। সভাপতি মহোদয়, এ পর্যায়ে গণপূর্ত বিভাগ কক্সবাজারের নির্বাহী প্রকৌশলীর নিকট গণপূর্ত অধিদপ্তর কর্তৃক গৃহীত পূর্তকাজের সর্বশেষ অগ্রগতি সম্পর্কে জানতে চাইলে তিনি জানান যে ইতোমধ্যে আবাসিক ভবন ও অফিস ভবনের নির্মাণ কাজের ভৌত অগ্রগতি প্রায় ৬০ ভাগ। আবাসিক ভবন টি আগামী ফেব্রুয়ারী, ২০২২ নাগাদ হস্তান্তর করা সম্ভব হবে কিন্তু অফিস ভবনটির নির্মাণ কাজ শেষ হতে মে-জুন ২০২২ সাল পর্যন্ত সময় লাগবে। প্রকল্প পরিচালক এ প্রেক্ষিতে জানান যে, ভবন নির্মাণ শেষ হওয়ার পূর্বে প্রকল্পের আওতায় গবেষণা যন্ত্রপাতি ক্রয় করা সম্ভব নয় এ ক্ষেত্রে যন্ত্রপাতি ক্রয় করে সেগুলো ফলপ্রসূ রূপে ব্যবহার নিশ্চিত করার জন্য প্রকল্পের মেয়াদ একবছর বৃদ্ধি করা প্রয়োজন। এ পর্যায়ে সভাপতি মহোদয় যোগ করেন যেহেতু গত ২১-১২-২০২১ ইং তারিখ প্রকল্পের স্টয়ারিং কমিটির সভা অনুষ্ঠিত হয়েছে তাই স্টয়ারিং কমিটির কার্যবিবরণী পাওয়া গেলে কমিটির নির্দেশনা অনুযায়ী প্রকল্প পরিচালক পদক্ষেপ গ্রহণ করবেন। সভায় উপস্থিত সকলে এ বিষয়ে নিতীত ভাবে একমত পোষণ করেন।

বিস্তারিত আলোচনা শেষে সভায় নিম্নলিখিত সিদ্ধান্তসমূহ গৃহীত হয়।

১। স্টয়ারিং কমিটির সভার নির্দেশনা অনুযায়ী প্রকল্প পরিচালক পদক্ষেপ গ্রহণ করবেন

২। গণপূর্ত বিভাগ, কক্সবাজারকে আবাসিক ভবন ও অফিস ভবন নির্মাণ এর কাজ যত দ্রুত সম্ভব ~~শুরু~~ করতে হবে।

সভায় আর কোনো আলোচনা না থাকায় সভাপতি মহোদয় সকলকে ধন্যবাদ জানিয়ে সভার কার্যক্রম সমাপ্ত ঘোষণা করেন

(ড. ইয়াহিয়া মাহমুদ)

মহাপরিচালক

ও

সভাপতি, প্রকল্প বাস্তবায়ন কমিটি (PIC)

